

Cartrefi a Chymunedau Mwy Diogel

Adolygiad o'r Polisi Trwyddedu

Y Polisi Effaith Gronnol

Heol Awst, Caerfyrddin

Dogfen Ymgynghori 2018



Adolygiad o'r Polisi Trwyddedu

Y Polisi Effaith Gronnol

Heol Awst, Caerfyrddin

Dogfen Ymgynghori 2018

Cyflwyniad

1. Pan fabwysiadodd yr Awdurdod y polisi cyfredol ym mis Chwefror 2016, penderfynwyd y byddai ymgynghoriad arall yn cael ei gynnal ynghylch y posibilrwydd o fabwysiadu'r polisi effaith gronnol yng nghyswllt ardal Heol Awst, Caerfyrddin.
2. Mae hwn yn gyfle i drigolion lleol, busnesau, deiliaid trwyddedau cyfredol a'u cynrychiolwyr gyflwyno sylwadau ffurfiol ar y cynllun a rhoi adborth i'r Awdurdod.
3. Mae cynllun sy'n dangos Heol Awst, Caerfyrddin wedi'i atodi, sef Atodiad 1. Mae Heol Awst wedi ei hamlygu'n goch o'i chyffordd â'r Porth Tywyll ac ar hyd y stryd yn ei chyfanrwydd hyd at ei chyffordd â Lôn Morfa. Pe câi ei fabwysiadu mewn perthynas â'r ardal hon, byddai'r polisi effaith gronnol yn cynnwys unrhyw safleoedd sy'n ffinio â Heol Awst.

Bydd yr ymgynghori'n dechrau ar 3 Ebrill 2018 ac yn gorffen ar 1 Mehefin 2018

4. Mae'r paragraffau canlynol wedi'u hatgynhyrchu o'r cyfarwyddyd a gyhoeddwyd gan y Swyddfa Gartref o dan adran 182 o Ddeddf Trwyddedu 2003.

Beth yw Effaith Gronnol?

14.20 Ni chyfeirir yn benodol at "Effaith Gronnol" yn Neddf 2003 ond yn y Cyfarwyddyd hwn ei ystyr yw'r effaith bosibl ar hyrwyddo'r amcanion trwyddedu mewn perthynas â nifer sylweddol o'r safleoedd trwyddedig sydd mewn un ardal. Mae effaith gronnol safleoedd trwyddedig ar hyrwyddo'r amcanion trwyddedu yn fater y gall Awdurdod Trwyddedu ei ystyried wrth lunio ei Ddatganiad Polisi Trwyddedu. Gallai Polisiâu Effeithiau Cronnol fod yn berthnasol i safleoedd sydd wedi eu trwyddedu i gynnal unrhyw weithgaredd trwyddedadwy, gan gynnwys gwerthu alcohol i'w yfed ar y safle neu oddi arno, a darparu lluniaeth hwyrnos. Mae hyn yn cynnwys lleoedd sy'n gwerthu bwyd brys gyda'r hwyr nad oes ganddynt drwydded i werthu alcohol.

Effaith Polisiâu Arbennig

14.30 Effaith mabwysiadu polisi arbennig o'r math hwn yw creu rhagdybiaeth amodol y bydd ceisiadau am ganiatáu neu amrywio trwyddedau safle neu dystysgrifau safleoedd clybiau sy'n debygol o ychwanegu at yr effaith gronnol bresennol yn cael eu gwrthod fel rheol, neu'n ddarostyngedig i gyfyngiadau penodol, ar ôl i'r sylwadau perthnasol ddod i law,

oni bai y gall yr ymgeisydd ddangos yn yr atodlen weithredu na fydd effaith gronnol negyddol ar un neu ragor o'r amcanion trwyddedu. Dylai ymgeiswyr ystyried materion posibl o ran effaith gronnol wrth nodi yn eu cais y camau y byddant yn eu cymryd i hybu'r amcanion trwyddedu.

14.31 Er hynny, rhaid i bolisi arbennig bwysleisio nad yw'r rhagdybiaeth hon yn dileu'r angen i awdurdodau cyfrifol nac unrhyw un arall gyflwyno sylwadau perthnasol, gan gyfeirio at wybodaeth a oedd wedi'i rhoi gerbron yr awdurdod trwyddedu pan luniodd ei ddatganiad polisi trwyddedu, cyn y gall awdurdod trwyddedu ystyried rhoi ei bolisi arbennig ar waith yn gyfreithlon. Os nad oes sylwadau, rhaid i'r awdurdod trwyddedu ganiatáu'r cais yn unol â thelerau sy'n gyson â'r atodlen weithredu a gyflwynwyd.

14.32 Ar ôl iddynt gael eu mabwysiadu, dylid adolygu polisiâu arbennig yn rheolaidd i asesu a oes eu hangen mwyach neu a ddylid newid y rheiny sydd yn natganiad y polisi trwyddedu.

14.33 Nid yw diffyg polisi arbennig yn atal unrhyw awdurdod cyfrifol neu berson arall rhag cyflwyno sylwadau ar gais am ganiatáu neu amrywio trwydded ar sail y ffaith y bydd y safle yn cael effaith gronnol, negyddol ar un neu ragor o'r amcanion trwyddedu.

14.34 Gallai polisiâu arbennig fod yn berthnasol i grynhoed o unrhyw safleoedd trwyddedig, gan gynnwys y rheiny sydd wedi cael eu trwyddedu i werthu alcohol ar y safle neu oddi arno, a safleoedd sydd wedi eu trwyddedu i ddarparu lluniaeth hwyrnos. Wrth sefydlu ei sylfaen dystiolaeth ar gyfer cyflwyno polisi arbennig, dylai awdurdod trwyddedu fod yn ystyried y cyfraniad at effaith gronnol a wneir gan wahanol fathau o safleoedd yn yr ardal, er mwyn penderfynu ar briodoldeb cynnwys gwahanol fathau o safleoedd trwyddedig yn y polisi arbennig.

O'i fabwysiadu, byddai polisi effaith gronnol yn rhan o Bolisi Trwyddedu'r awdurdod.

5. Mae pedwar prif ddiben i'r Polisi Trwyddedu, sef:

- Cadarnhau, i Aelodau etholedig y Pwyllgor Trwyddedu, ffiniau a grym yr awdurdod lleol, a rhoi paramedrau iddynt ar gyfer gwneud penderfyniadau. Bydd modd i'r pwyllgor brofi'r cais yn erbyn y meini prawf a nodwyd yn y polisi ac os bydd angen, ychwanegu amodau at y rhai a amlinellwyd yn yr atodlen weithredu.
- Hysbysu'r rheiny sy'n ceisio am y drwydded ynghylch y paramedrau y mae'r awdurdod yn eu defnyddio i wneud penderfyniad ynglŷn â thrwydded, rhoi enghreifftiau o arferion rheoli da ac felly sut y mae safle trwyddedig yn debygol o fod yn gallu gweithredu o fewn ardal. (Sylwer, er hynny, fod yn rhaid craffu ar bob achos yn unigol.)
- Hysbysu trigolion a busnesau ynghylch y paramedrau y bydd yr awdurdod yn eu defnyddio wrth wneud penderfyniadau trwyddedu, ac felly sut yr ymdrinnir â'u hanghenion.
- Hysbysu llys barn ynghylch sut y daeth y Cyngor i'w benderfyniadau pan gânt eu herio mewn llys, a chefnogi'r penderfyniadau hyn.

6. Bwriedir y papur ymgynghori hwn ar gyfer trigolion lleol, busnesau, deiliaid trwyddedau cyfredol a'u cynrychiolwyr. Yn wir, mae'r Cyngor yn awyddus i dderbyn sylwadau pawb sydd a wnelont â'r mater.
7. Mae'r Cyngor wedi nodi'r bobl a'r mudiadau a allai fod â diddordeb mewn ymateb i'r ymgynghoriad hwn. Er hynny, byddai'r Cyngor yn croesawu barn unrhyw rai sydd a wnelont â hyn, ac mae croeso i unrhyw un sy'n cael copi o'r papur hwn ei gyfeirio at sylw eraill a allai fod am ymateb i'r ymgynghoriad.
8. Er mwyn cynnig sylwadau manwl ar y Polisi Effaith Gronnol, efallai y byddai ymatebwyr yn dymuno'n gyntaf ddarllen y cyfarwyddyd a gafodd ei gyhoeddi, o dan y Ddeddf, gan yr Ysgrifennydd Gwladol i awdurdodau lleol, yn ogystal â'r Polisi Trwyddedu cyfredol a'r Ddeddf Trwyddedu ei hun. Gellir gweld y dogfennau hyn ar wefan y Cyngor, www.sirgar.gov.uk drwy chwilio am ymgynghoriadau cyfredol.

Mae copïau o'r dogfennau hyn wedi'u rhoi ar gadw hefyd at ddibenion cyfeirio yng nghanolfan gwasanaethau cwsmeriaid y Cyngor yn 3 Heol Spilman, Caerfyrddin.

Ymateb i'r Ymgynghoriad

9. Cynghorir ymatebwyr fod yn rhaid i unrhyw newidiadau yng nghynnwys y polisi trwyddedu adlewyrchu'r pedwar (4) amcan trwyddedu statudol, sef:-
 - **Atal Troseddau ac Anhrefn**
 - **Diogelu'r Cyhoedd**
 - **Atal Niwsans Cyhoeddus**
 - **Amddiffyn Plant rhag Niwed**
10. Mae eich barn chi'n bwysig i'r Cyngor wrth iddo geisio llunio polisi trwyddedu teg a chymesur. **A fydddech cystal â sicrhau bod eich sylwadau yn ein cyrraedd erbyn 1 Mehefin 2018, er y byddem yn ddiolchgar pe gallem eu cael cyn hynny.**
11. I gynorthwyo ymatebwyr, rydym wedi creu arolwg ar-lein, sy'n cynnwys cwestiynau sy'n gofyn am ymateb i faterion penodol. Rhoddir gwybod i gyfranogwyr fod modd lanlwytho gwybodaeth atodol megis ystadegau a datganiadau ategol fel atodiad i'r arolwg ar ffurf Word neu PDF.

Os hoffech gael copi caled o'r holiadur cysylltwch ag Emyr Jones. Mae ei fanylion cyswllt ar gael isod.

Yn ogystal, gall y ddogfen ymateb gael ei hanfon atom drwy e-bost, diogelurcyhoedd@sirgar.gov.uk

12. Bydd yr holl ymatebion i'r ymgynghoriad yn cael eu hystyried yn ystod adolygu'r polisi. Yn anffodus ni fydd yn bosibl rhoi ateb manwl i bob un sy'n ymateb i'r ymgynghoriad.

13. Manylion Cyswllt

**Emyr Jones
Arweinydd Trwyddedu
Is-adran Cartrefi a Chymunedau Mwy Diogel
Adran Cymunedau
Cyngor Sir Caerfyrddin
3 Heol Spilman
Caerfyrddin
SA31 1LE**

Cyfeiriad e-bost: diogelurcyhoedd@sirgar.gov.uk

Diolch ichi am roi o'ch amser i ymateb i'r ymgynghoriad hwn.

14. Os oes angen rhagor o wybodaeth arnoch am y ddogfen ymgynghori neu'r Ddeddf Trwyddedu, ffoniwch yr Adain Drwyddedu (01267 228717). Mae'r ddogfen hon hefyd ar gael ar <http://www.sirgar.llyw.cymru/cartref/cyngor-a-democratiaeth/ymgyngghori-a-pherfformiad/>

**Os ydych am gael
y ddogfen hon ar ffurf print bras,
mewn Braille neu ar dâp sain,
ffoniwch:
 01267 228717**

Atodiad A / Appendix A


Heol Awst / Lammas Street



Heol Mansel Street



Heol Dwr / Water Street



Lon Morfa Lane



Porth Tywyll / Dark Gate

